



JU SREDNJA POSLOVNO-KOMERCIJALNA I TRGOVAČKA ŠKOLA SARAJEVO
71000 Sarajevo, Bosna i Hercegovina
Armaganuša 29

Na temelju odredbi članova 2. i 72. Zakona o javnim nabavkama Bosne i Hercegovine („Sl. glasnik BiH“, broj 39/14), i na osnovu članova 12. i 13. Pravilnika o utvrđivanju postupka i provođenju direktnog sporazuma Javne ustanove Srednja poslovno-komercijalna i trgovačka škola Sarajevo,

Ugovorne strane:

1. **Javna ustanova Srednja poslovno-komercijalna i trgovačka škola Sarajevo**, ulica Armaganuša 29, Sarajevo, koju zastupa direktorica škole Selmanović-Kulo Kanita (u daljem tekstu: Korisnik usluga)
Rješenje o registraciji Općinski sud u Sarajevu broj 065-0-Reg-15-004491
Budžetska organizacija 2103029
Identifikacioni broj 4200259720005
Broj računa 141 196 53200084 75 BBI Banka d.d. Sarajevo
2. **EMINA d.o.o. Visoko**, ulica Buzić mahala broj 41, 71 300 Visoko, koga zastupa direktor Sead Šabić (u daljem tekstu: Davalac usluga)
Identifikacioni broj 4218068110009
PDV broj 218068110009
Broj računa 1610150000380098 Raiffeisen Bank;

zaključile su:

U G O V O R
o nabavci usluga izrade projektne dokumentacije rekonstrukcije kotlovnice u objektu JU Srednja poslovno-komercijalna i trgovačka škola Sarajevo

Član 1.

Predmet ovog Ugovora je usluga izrade projektne dokumentacije rekonstrukcije kotlovnice u objektu JU Srednja poslovno-komercijalna i trgovačka škola Sarajevo, a u skladu sa prihvaćenom ponudom Davaoca usluga broj: 10-TE/19 od 27.05.2019. godine, zaprimljena pod brojem 01-744/19 od 27.05.2019. godine.

Član 2.

Cijene ugovorenih usluga definisane su u ponudi Davaoca usluga broj: 10-TE/19 od 27.05.2019. godine, koja je u prilogu ovog Ugovora i čini njegov sastavni dio.

Član 3.

Ukupna vrijednost usluge utvrđuje se u ukupnom iznosu od 4.450,00KM bez PDV-a (slovima: četiri hiljade četrinstotine pedeset i 0/100), odnosno 5.206,50KM sa PDV-om (slovima: pet hiljad i dvjestotine šest i 50/100), u skladu sa prihvaćenom ponudom Davaoca usluge broj: 09-TE/19 od 27.05.2019. godine.

Ukupna cijena predmetne usluge je fiksna i nepromijenjiva.

Član 4.

Davalac usluge će cijene obavljenih usluga iz člana 1. ovog Ugovora obračunavati na osnovu specifikacije urađenih poslova, po završetku pojedinačne usluge, a prema cijeni definisanoj u prihvaćenoj ponudi Davaoca usluge broj: 10-TE/19 od 27.05.2019. godine.

Član 5.

Ugovorne strane su saglasne da će se plaćanje za izvršene usluge vršiti na osnovu ispostavljenih faktura Davaoca usluga u roku od 30 /trideset/ dana od dana prijema fakture /računa/.



Član 6.

Davalac usluge se obavezuje da će:

- stručno i kvalitetno izraditi projektnu dokumentaciju rekonstrukcije kotlovnice u objektu JU Srednja poslovno-komercijalna i trgovačka škola Sarajevo, u ul. Armaganuša br. 29, u skladu sa odredbama važećeg Zakona o prostornom uređenju, propisa donesenih na temelju tog zakona i drugih posebnih propisa, u predviđenom roku.
- u slučaju bilo kakvih pitanja od strane potencijalnih izvođača radova u vezi tehničke specifikacije prilikom provođenja postupka javne nabavke, pružiti stručnu pomoć Korisniku usluga.
- projektna dokumentacija (tehnička specifikacija) obuhvatiti sve potrebne radove, saglasnosti i dozvole za rekonstrukciju kotlovnice.

Član 7.

Davalac usluge se obavezuje izraditi Glavni projekat gasnih instalacija, elektro instalacija i građevinskih instalacija u roku od 15 (petnaest) dana od dana potpisivanja Ugovora, a sve ostale aktivnosti u roku od 30 dana od dana potpisivanja Ugovora.

Član 8.

Ugovor stupa na snagu danom potpisivanja obje ugovorne strane i važi do realizacije predmetne usluge.

Član 9.

U slučaju propusta Davaoca usluge u izvršavanju Ugovora, Naručilac usluge može uz dostavljanje pismene obavijesti o neizvršavanju ugovora, prekinuti ugovorni odnos u cjelini ili djelimično, ako Davalac usluge ne ispravi svoj propust u roku od 7 (sedam) dana od dana prijema obavijesti o propustu u izvršenju Ugovora.

Član 10.

Korisnik usluga i Davalac usluga zadržavaju pravo jednostranog raskida ovog Ugovora uz blagovremenu najavu, najmanje 15 /petnaest/ dana prije raskida Ugovora.

Član 11.

Ugovorne strane utvrđuju da se u pogledu elemenata koji nisu definirani ovim Ugovorom ima primjeniti Zakon o obligacionim odnosima.

Član 12.

Ugovorne strane su saglasne da će sve eventualne međusobne sporove rješavati sporazumno, a ako to nisu u mogućnosti riješiti, nadležan je Općinski sud u Sarajevu.

Član 13.

Ovaj Ugovor sačinjen je u četiri /4/ primjerka, od kojih svaka ugovorna strana zadržava po dva /2/ primjerka za svoje potrebe.

KORISNIK USLUGA
JU Srednja poslovno-komercijalna
i trgovačka škola Sarajevo
DIREKTORICA


Selmanović-Kulo Kanita, prof.

Broj Ugovora: 01-787/19
Sarajevo, 29.05.2019. godine

DAVALAC USLUGA
EMINA d.o.o Visoko


DIREKTOR
Šabić Sead

Broj Ugovora: 01-10/TE/19
Sarajevo, 07.06.2019. godine